

漢魏六朝百三家集

宋

謝康樂

第五十一冊

EAST ASIAN LIBRARY  
RM 8049 ROBARTS LIBRARY  
UNIVERSITY OF TORONTO  
TORONTO, CANADA M5S 1A5

V. 51







宋謝康樂集卷之二

宋 陳郡謝靈運 著

明 太倉張 溥 閱

樂府

康樂樂府多闕文  
姑從茂倩舊次

善哉行

以下  
四言

陽谷躍升，虞淵引落。景曜東隅，晼晚西薄。三春  
燠敷，九秋蕭索。涼來溫謝，寒往暑却。居德斯頤，  
積善嬉譔。陰灌陽叢，凋華墮萼。歡去易慘，悲至  
難鑠。擊節樂府作  
激涕當歌，對酒當酌。鄙哉愚人，戚



戚懷瘼善哉達士滔滔處樂

隴西行

昔在老子至

一作志

理成篇柱小傾大綆短絕泉

鳥之棲遊林檀是閑韶樂牢膳豈伊攸便胡爲  
乖枉從表方圓耿耿僚志慊慊丘園善歌以咏  
言理成篇

日出東南隅行

以下五言

柏梁冠南山桂宮耀北泉晨風拂幃幌朝日照  
閨軒美人臥屏席懷蘭秀瑤璠皎潔秋松氣淑



德春景暄

闕

長歌行

倏爍夕星流，昱奕朝露團。粲粲鳥有停，泣泣豈  
暫安。徂齡速飛電，頽節驚驚湍。覽物起悲緒，顧  
已識憂端。朽貌改鮮色，悴容變柔顏。變改苟催  
促，容色烏盤桓。亶亶衰期迫，靡靡壯志闌。旣慙  
臧孫慨，復愧揚子歎。寸陰果有逝，尺素竟無觀。  
幸賒道念戚，且取長歌歡。

苦寒行

二見



歲歲層冰合，紛紛霰雪落。浮陽減清暉，寒禽叫悲壑。饑爨煙不興，渴汲水枯涸。

又載初學記  
疑有闕文

樵蘇無夙飲，鑿冰煮朝食。悲矣採薇唱，苦哉有餘酸。

豫章行

短生旅長世，恒覺白日歛。覽鏡睨頽容，華顏豈久期。苟無迴戈術，坐觀落崦嵫。闕

相逢行

樂府作惠連今  
從藝文作靈運



行行卽長道，道長息班草。邂逅賞心人，與我傾

懷抱。夷世信難值，憂來傷人。平生不可保。一陽

華與春渥，陰柯長秋槁。心慨榮去速，情苦憂來

早。日華難久居，憂來傷人。諄諄亦至老。二解親黨

近卹庇昵，君常不好。九族悲素霰，三良怨黃鳥。

邇朱白卽楨，憂來傷人。近縞潔必造。三解水流理

就濕火炎同歸燥，賞契少能諧。斷金斷可寶，千

計莫適從。憂來傷人，萬端信紛繞。四解巢林宜擇

木，結友使心曉。心曉形迹略，略邇誰能了。相逢



既若舊憂來傷人片言代紉綯

五解

折楊柳行二首

鬱鬱河邊樹青青野田草舍我故鄉客將適萬  
里道妻妾牽衣袂枝淚沾懷抱還拊幼童子顧  
托兄與嫂辭訣未及終嚴駕一何早負竿引文  
舟飢渴常不飽誰令爾貧賤咨嗟何所道  
騷屑出穴風揮霍見日雪颼颼無久搖皎皎幾  
時潔未覺泮春冰已復謝秋節空對尺素遷獨  
視寸陰滅否桑未易繫泰茅難重拔桑茅迭生



運語默寄前哲

泰山吟

岱宗秀維岳，崔嵬刺雲天。峯嶸旣嶮巖，觸石輒  
芊綿。樂府作干眠登封瘞崇壇，降禪藏肅然。石間何  
晻藹，明堂祕靈篇。

君子有所思行

總駕越鍾陵，還顧望京畿。躑躅周名都，遊目倦  
一作忘歸。市鄠無阨一作室，世族有高闈。密親  
麗華苑，軒薨飭通達。孰是金張樂，諒由燕趙詩。



長夜恣酣飲，窮年美音徽。盛往速露墜，衰來疾風飛。餘生不歡娛，何以竟暮歸。寂寥曲肱子，瓢飲療朝饑。所秉自天性，貧富豈相譏。

悲哉行

陸士衡集亦載此詩  
誤也陸別有一首

萋萋春草生，王孫遊有情。差池驚始飛，天梟桃

一作  
柳非

始榮。灼灼桃悅色，飛飛燕弄聲。檐上雲結

陰，澗下風吹清。幽樹雖改觀，終始在初生。松薦

歡蔓延，樛葛欣蘩榮。眇然遊宦子，晤言時未并。

鼻感改朔氣，眼

一作  
心

傷變節榮。侘傺豈徒然，澶



一作漫絕音形風來不可托鳥去豈爲聽

### 會吟行

六引緩清唱三調仁繁音列筵皆靜寂咸其聆  
會吟會吟自有初請從文命敷敷績壺冀始刊  
木至江汜列宿炳天文負海橫地理連峯競千  
仞背流各百里滌池溉稷稻輕雲暖松杞兩京  
愧佳麗三都豈能似層臺指中天高墉積崇雉  
飛燕躍廣途鷁首戲清沚肆呈窈窕容五臣路  
曜嬾娟子自來彌世一作代賢達不可紀勾踐



善廢興，越叟識行止，范蠡出江湖，梅福入城市。  
東方就旅逸，梁鴻去桑梓，牽綴書土風，辭殫意  
未已。

緩歌行

飛客結靈友，凌空萃丹丘，習習和風起，采采彫  
雲浮。一作流娥皇發湘浦，霄明出河洲，宛宛連螭

轡，裔裔振龍旒。一作

一作  
闕

燕歌行 七言

孟冬初寒節，氣成悲風入，閨霜依庭，秋蟬噪柳



燕辭

樂府作棲

楹念君行役怨邊城君何崎嶇久徂

征豈無膏沐感鸛鳴對君不樂淚沾纓闌窓開  
幌弄秦箏調絃促柱多哀聲遙夜明月鑒帷屏  
誰知河漢淺且清展轉思服悲明星

鞠歌行

以下雜言

德不孤兮必有鄰唱和之契冥相因譬如虬虎  
兮來風雲亦如形聲影響陳心歡賞兮歲易淪  
隱玉藏彩疇識真叔牙顯夷吾親郢既歿匠寢  
斤覽古籍信伊人永言知已感良辰



詩集卷二  
順東西門行

出西門、眺雲間、揮斤扶木、墜虞泉、信道人、鑒徂  
川、思樂暫捨誓、不旋、閔九九、傷牛山、宿心載違  
徒、昔言、競落運、務頽年、招命儕、好相追、牽酌芳  
醕、奏繁絃、惜寸陰、情固然、

上留田行

薄遊出彼東道、上留田、薄遊出彼東道、上留田、  
循聽一何轟轟、上留田、澄川一何皎皎、上留田、  
悠哉、遡矣、征夫、上留田、悠哉、遡矣、征夫、上留田、



兩服上阪電遊彙作雷逝上留田舫舟下遊颺驅上

留田此別既久無適上留田此別既久無適上

留田寸心繫在萬里上留田尺素遵此千夕上

留田秋冬迭相去就上留田素雪紛紛鶴委上

留田清風颺颺入袖上留田歲云暮矣增憂上

留田歲云暮矣增憂上留田誠知運來詎抑上

留田熟視年往莫留上留田



詩集卷二

詩集卷二

詩集卷二

詩集卷二

詩集卷二

詩集卷二

詩集卷二



詩

三月三日侍宴西池詩

四言

詳觀記牒，鴻荒莫傳。降及雲鳥，曰聖則天。虞承  
唐命，周襲商艱。江之永矣，皇心惟眷。矧乃暮春，  
時物芳衍。濫觴逶迤，周流蘭殿。禮備朝容，樂闋  
夕宴。

述祖德詩二首

以下  
五言

序曰：太元中，王父大定淮南，負荷世業，尊主  
隆人，逮賢相徂謝。君子道消，拂衣蕃岳，考卜



東山事同樂生之時志期范蠡之舉

達人貴自我高情屬天雲兼抱濟物性而不纓

垢氛段生藩魏國展季救魯人弦高犒暗

舊作晉誤

師仲連却秦軍臨組乍不縶對珪寧肯分惠物

辭所賞勵志故絕人茗茗厯千載遙遙播清塵

清塵竟誰嗣明哲垂

選作時

經綸委講輟道論改

服康世屯屯難旣云康尊主隆斯民

中原昔喪亂喪亂豈解已崩騰永嘉末逼迫太

元始河外無反正江介有蹙圯萬邦咸震懾橫



流賴君子。拯溺錄道情。龕暴資神理。秦趙欣來  
蘇、燕、魏、遲、文、軌。賢相謝世運。遠圖因事止。高揖  
七、州、外、拂、衣、五、湖、裏、隨、山、䟽、濬、潭、傍、巖、藝、枌、梓、  
遺情捨塵物。貞觀丘壑美。

九日從宋公戲馬臺集送孔令

季秋邊朔苦。旅鴈違霜雪。淒淒陽卉腓。皎皎寒  
潭絜。潔良辰感聖心。雲旗興暮節。鳴葭戾朱宮。

蘭卮獻時哲。餞宴光有孚。和樂隆所缺。在宥天  
下理。吹萬羣方悅。歸客遂海隅。脫冠謝朝列。弭



棹薄枉渚。指景待樂闋。河流有急瀾。浮驂無緩轍。豈伊川途念宿心。愧將別彼美丘園道。喟焉傷薄劣。

從遊京口北固應詔

玉璽戒誠信。黃屋示崇高。事爲名教用。道以神理超。昔聞汾水遊。今見塵外鑣。鳴笳發春渚。稅鑾登山椒。張組眺倒景。列筵矚歸潮。遠巖映蘭薄。白日麗江臯。原隰萋綠柳。墟囿散紅桃。皇心美陽澤。萬象咸光昭。顧已枉維繫。撫志慙場苗。



工拙各所宜，終以反林巢。曾是縈舊想，覽物奏  
長謠。

永初三年七月十六日之郡初發都

逝職期闌暑，理棹變金素。秋岸澄夕陰，火旻團  
朝露。辛苦誰爲情，遊子值頽暮。愛似莊念昔，久  
敬曾存故。如何懷土心，持此謝遠度。李牧愧長  
袖，郤克慙躡步。良時不見遺，醜狀不成惡。曰余  
亦支離，依方早有慕。生幸休明世，親蒙英達顧。  
空班趙氏璧，徒乖魏王瓠。從來漸二紀，始得傍



歸路將窮山海迹，永絕賞心晤。

鄰里相送至方山

祇役出皇邑，相期憇甌越。解纜及流潮，懷舊不能發。析析就衰林，皎皎明秋月。含情易爲盈，遇物難可歇。積疴謝生慮，寡慾罕所闕。資此永幽棲，豈伊年歲別。各勉日新志，音塵慰寂蔑。

過始寧墅

束髮懷耿介，逐物遂推遷。違志似如昨，二紀及茲年。緇磷謝清曠，疲薊慙貞堅。拙疾相倚薄，還



得靜者便，剖竹守滄海。枉帆過舊山，山行窮登  
頓。水陟盡洞沿，巖峭嶺稠疊。洲縈渚連綿，白雲  
抱幽石，綠篠媚清漣。葺宇臨廻江，築觀基曾巔。  
揮手告鄉曲，三載期歸旋。且爲樹枌檟，無令孤  
願言。

富春渚

宵濟漁浦潭，旦及富春郭。定山緬雲霧，赤亭無  
淹薄。遡流觸驚急，臨圻阻參錯。亮乏伯昏分，陰  
過呂梁壑。洊至宜便習，兼山貴止託。平生協幽



期淪躓困微弱久露干祿請始果遠遊諾宿心  
漸申寫萬事俱零落懷抱既昭曠外物徒龍蠖

七里瀨

羈心積秋晨晨積展遊眺孤客傷逝湍徒旅苦  
奔峭石淺水潺湲日落山照曜荒林紛沃若哀  
禽相叫嘯遭物悼遷斥存期得要妙既秉上皇  
心五臣作情豈屑末代諠目覩嚴子瀨想屬任公釣  
誰謂古今殊異代可同調

晚出西射堂



步出西城

集作  
掖

門遙望城西岑，連障疊巘巖崿青。

翠脊深沈，曉霜楓葉丹。夕曛嵐氣陰，節往感不  
淺。感來念已深，羈雌戀舊侶。逝鳥懷故林，含情  
尚勞愛。如何離賞心，撫鏡華緇鬢。攬帶緩促衿，  
安排徒空言。幽獨賴鳴琴。

登池上樓

潛虬媚幽姿，飛鴻響遠音。薄霄愧雲浮，棲川怍  
淵沈。進德智所拙，退耕力不任。狗祿反窮海，臥  
病對空林。衾枕昧節候，寒開暫窺臨。傾耳聆波



瀾舉目眺嶇嶽。初景革緒風。新陽改故陰。池塘  
生春草。園柳變鳴禽。祁祁傷幽歌。萋萋感楚吟。  
索居易永久。離羣難處心。持操豈獨古。無悶徵  
在今。

遊南亭

時竟夕澄霽。雲歸日西馳。密林含餘清。遠峯隱  
半規。久痾昏墊苦。旅館眺郊岐。澤蘭漸被徑。芙  
蓉始發池。未厭青春好。已觀朱明移。戚戚感物  
歎。星星白髮垂。藥餌情所止。衰疾忽在斯。逝將



候秋水息景偃舊崖我志誰與亮賞心惟良知  
遊赤石進帆海

首夏猶清和芳草亦未歇水宿淹晨暮陰霞屢  
興沒周覽倦瀛壖況乃凌窮髮川后時安流天  
吳靜不發揚帆採石華掛席拾海月溟漲無端  
倪虛舟有超越仲連輕齊組子牟眷魏闕矜名  
道不足適已物可忽請附任公言終然謝天伐

登江中孤嶼

江南倦歷覽江北曠周旋懷新道轉迥尋異景



不延亂流趨正絕。

五臣作孤嶼

孤嶼媚中川。雲日相

輝映。空水共澄鮮。表靈物莫賞。蘊真誰爲傳。想

像崑山姿。綢邈區中緣。始信安期術。得盡養生

年。

登永嘉綠嶂山詩

裹糧杖輕策。懷遲上幽室。行源逕轉遠。距陸情

未畢。澹漱結寒姿。團欒潤霜質。澗委水屢逃。林

迴巖逾密。眷西謂初月。顧東疑落日。踐

一作殘夕

奄昏曙。蔽翳皆周悉。蠱上貴不事。履二美貞吉。



山人常坦步高尚邈難匹。頤阿竟何端寂寂寄  
抱一。恬如旣已交。繕性自此出。

郡東山望溟海詩

一作東山望海

開春獻初歲。白日出悠悠。蕩志將愉樂。瞰海庶  
忘憂。策馬步蘭皋。縹控息椒丘。采蕙遵大薄。攀  
若履長洲。白花皜陽林。紫蘂一作翹曄春流。非徒  
不弭忘。覽物情彌適。萱蘇始無慰。寂寞終可求。

遊嶺門山詩

西京誰脩政。龔汲稱良吏。君子豈定所。清塵慮



不嗣早蒞建德鄉。民懷虞芮意。海岸常寥寥。空  
館盈清思。協以上冬月。晨遊肆所喜。千圻邈不  
同。萬嶺狀皆異。威摧三山峭。滌汨兩江駛。魚舟  
一作商。豈安流樵拾。謝西芑。人生誰云樂。貴不屈  
所志。

石室山詩

清旦索幽異。放舟越垌郊。苒苒蘭渚急。藐藐苔  
嶺高。石室冠林坻。飛泉發山椒。虛泛經千載。崢  
嶸非一朝。鄉村絕聞見。樵蘇限風霄。微我無遠



覽、總、筭、美、升、喬、靈、域、久、韜、隱、如、與、心、賞、交、合、歡、  
不、容、言、摘、芳、弄、寒、條、

登上戍石鼓山詩

旅、人、心、長、久、憂、憂、自、相、接、故、鄉、路、遙、遠、州、陸、不、  
可、涉、汨、汨、莫、與、娛、發、春、托、登、躡、歡、願、旣、無、並、戚、  
慮、庶、有、協、一作怯極、目、眎、左、濶、迴、顧、眺、右、狹、日、末、  
澗、增、波、雲、生、嶺、逾、疊、白、芷、競、新、苔、綠、蘋、齊、初、葉、  
摘、芳、芳、靡、諼、愉、樂、樂、不、變、佳、期、緬、無、像、騁、望、誰、  
云、愜、



行田登海口盤嶼山

羈苦孰云慰。觀海藉朝風。莫辨洪波極。誰知大  
壑東。依稀採菱歌。彷彿含嚙容。遨遊碧沙渚。遊  
衍丹山峯。

白石巖下徑行田

小邑居易貧。災年民無生。知淺懼不周。愛深憂  
在情。舊業橫海外。蕪穢積頽齡。饑饉不可久。甘  
心務經營。千頃帶遠堤。萬里瀉長江。洲流涓澮  
合。連統塍埒并。雖非楚宮化。荒闕亦黎明。雖非



鄭白渠每歲望東京天鑒儻不孤來茲驗微誠  
齋中讀書

昔余遊京華未嘗廢丘壑矧乃歸山川心跡雙  
寂寞虛館絕諍訟空庭來鳥雀臥疾豐暇豫翰  
墨時間作懷抱觀古今寢食展戲謔旣笑沮溺  
苦又哂子雲閣執戟亦以疲耕稼豈云樂萬事  
難並歡達生幸可託

命學士講書

臥病同淮陽宰邑曠武城弦歌愧言子清淨謝



伏生、古人不可攀。何以報恩榮。時往歲易周。聿  
來政無成。曾是展予心。招學講羣經。鏤金旣云  
刃、凝土亦能型。望爾志尚隆。遠嗣竹、箭聲敢謂  
荀氏訓、且布一作有蘭陵情。待罪豈久期。禮樂俟  
賢明。

種桑詩

詩人陳條柯、亦有美攘剔。前脩爲誰故。後事資  
紡績。常佩知方誠。愧微富教益。浮陽驚嘉月。藝  
桑迫閒隙。疎欄發近郭。長行達廣場。壙流始絳



泉涸塗猶跬跡，俾此將長成。慰我海外役，

初去郡

彭薛裁知耻，貢公未遺榮。或可優貪競，豈足稱  
達生。伊余秉徵尚，拙訥謝浮名。廬園當棲巖，卑  
位代躬耕。顧已雖自許，心迹猶未并。無庸方

選作

妨周任有疾，像長卿。畢娶類尚子，薄遊似邴生。

恭承古人意，促

五臣作

裝返柴荆。牽絲及元興，解

龜在景平。負心二十載，於今廢將迎。理棹遄還  
期，遵渚驚脩垌。遡溪終水涉，登嶺始山行。野曠



沙岸淨。天高秋月明。憇石挹飛泉。攀林褰落英。  
戰勝曜者肥。鑒止流歸停。卽是羲唐化。獲我擊壤情。  
一作聲

田南樹園激流植援

樵隱俱在山。繇來事不同。不同非一事。養病亦

園中。中園

一作園中

屏氛雜。清曠招遠風。卜室倚北

阜。啓扉面南江。激澗代汲井。挿槿當列墉。羣木

旣羅戶。衆山亦當

善作對

窓。靡迤趨下田。

五臣作岫

迢

逌瞰高峯。寡欲不期勞。卽事罕人功。唯開蔣生



徑。永。懷。求。羊。蹤。賞。心。不。可。忘。妙。善。冀。能。同。

石壁精舍還湖中作

昏。旦。變。氣。候。山。水。含。清。暉。清。暉。能。娛。人。游。子。憺。  
忘。歸。出。谷。日。尚。早。入。舟。陽。已。微。林。壑。歛。暝。色。雲。  
霞。收。夕。霏。芰。荷。迭。映。蔚。蒲。稗。相。因。依。披。拂。趨。南。  
逕。愉。悅。偃。東。扉。慮。澹。物。自。輕。意。愜。理。無。違。寄。言。  
攝。生。客。試。用。此。道。推。

登石門最高頂

晨。策。尋。絕。壁。夕。息。在。山。棲。疏。峯。抗。高。館。對。嶺。臨。



迴溪長林羅戶穴

一作庭

積石擁階基連巖覺路

塞密竹使徑。逖來人忘新。術去子惑故。蹊活活。夕流駛。噉噉夜猿啼。沈冥豈別理。守道自不攜。心契九秋榦。日翫三春蕒。居常以待終。處順故安排。惜無同懷客。共登青雲梯。

石門新營所住。四面高山。迴溪石瀨。茂林脩竹。

躋險策幽居。披雲臥石門。苔滑誰能步。葛弱豈可捫。嫋嫋秋風過。萋萋春草繁。美人遊不還。佳



期何繇、敦芳塵、凝瑤席、清醕滿金尊、洞庭空波、  
瀾、桂枝徒攀、翻結念、屬霄漢、孤景莫與、諉俯濯、  
石下潭、仰看條上猿、早聞夕飈、急晚見朝日、瞰、  
崖、傾光難留、林深響易奔、感往慮有復、理來情、  
無存、庶持乘日車、選作日用得以慰、管魂、匪爲衆人、  
說、冀與智者論、

於南山往北山經湖中瞻眺

朝旦發陽崖、景落憇陰峯、舍舟眺迴渚、停策倚、  
茂松、側逕旣窈窕、環洲亦玲瓏、俛視喬木杪、仰



聆大壑、淙石橫、水分流、林密蹊絕、蹤解作、竟何  
感、升長皆丰容、初篁苞綠蔕、新蒲含紫茸、海鷗  
戲春岸、天鷄弄和風、撫化心無厭、覽物眷彌重、  
不惜去人遠、但恨莫與同、孤遊非情歎、賞廢理  
誰通、

從斤竹澗越嶺溪行

猿鳴誠知曙、谷幽光未顯、巖下雲方合、花上露  
猶泫、逶迤傍隈隩、迢遞陟陁岵、過澗既厲急、登  
棧亦陵緬、川渚屢徑復、乘流翫迴轉、蘋萍泛沈



深菰蒲、冒清淺、企石挹飛泉、攀林摘葉、卷想見、  
山阿人、薜蘿若在眼、握蘭勤徒結、折麻心莫展、  
情用賞爲美、事昧竟誰辨、觀此遺物慮、一悟得  
所遣、

過白岸亭詩

拂衣遵沙垣、緩步入蓬屋、近澗涓、密石遠山映、  
疎木空翠難、強名漁釣易、爲曲援蘿、聆青崖春、  
心自相屬、交交止栩黃、呦呦食萍鹿、傷彼人百、  
哀嘉爾承筐、樂榮悴迭去來、窮通成休憾、未若



長疎散萬事恒抱朴

夜宿石門詩

拾遺作石門巖上宿

朝。搴。苑。中。蘭。畏。彼。霜。下。歇。暝。還。雲。際。宿。美。此。石。  
上。月。鳥。鳴。識。夜。棲。木。落。知。風。發。異。音。同。至。聽。殊。  
響。俱。清。越。妙。物。莫。爲。賞。芳。醕。誰。與。伐。美。人。竟。不。  
來。陽。阿。徒。晞。髮。

南樓中望所遲客

杳杳日西頽。漫漫長路迫。登樓爲誰思。臨江遲。  
來客。與我別所期。期在三五夕。圓景早已滿。佳。



人殊五臣作猶未適節事怨睽攜感物方悽感孟夏  
非長夜晦明如歲隔瑤華未堪折蘭若已屢摘  
路阻莫贈問云何慰離析搔首訪行人引領冀  
良覲

廬陵王墓下作

曉月發雲陽落日次朱方含悽泛廣川灑淚眺  
連岡眷言懷君子沈痛切中腸道消結憤懣運  
開申悲涼神期恒若存德音初不忘徂謝易永  
久松柏森已行延州協心許楚老惜蘭芳解劍



竟何及、撫墳徒自傷、平生疑若人、通蔽互相妨、  
理感心情慟、定非識所將、脆促良可哀、天枉特  
兼常、一隨往化滅、安用空名揚、舉聲泣已漚、長  
歎不成章、

還舊園作見顏范二中書

辭滿豈多秩、謝病不待年、偶與張邴合、久欲還  
東山、聖靈昔廻眷、微尚不及宣、何意衝飈激、烈  
火縱炎煙、焚玉發崑峯、餘燎遂見遷、投沙理旣  
迫、如叩願亦愆、長與歡愛別、永絕平生緣、浮舟



千仞壑、總轡萬尋巔、流沫不足險、石林豈爲艱、  
聞中安可處、日夜念歸旋、事蹟兩如直、心慙三、  
避賢託身青雲上、棲巖挹飛泉、盛明盪氛昏、貞、  
休康屯遭殊方感、成貸徵物豫采甄、感深操不、  
固質弱易扳纏、曾是反昔園、語往實欵然、曩基、  
卽先築、故池不更穿、果木有舊行、壤石無遠延、  
雖非休憇地、聊取永日閒、衛生自有經、息陰謝、  
所牽、夫子照、清素探懷授、往篇、

酬從弟惠連

五章 惠連西陵遇  
風獻康樂詩見本集



寢、療、謝、人、徒、滅、迹、入、雲、峯、巖、壑、寓、耳、目、歡、愛、隔  
音、容、永、絕、賞、心、望、長、懷、莫、與、同、末、路、值、令、弟、開  
顏、披、心、胸、

心、胸、旣、云、披、意、得、咸、在、斯、凌、澗、尋、我、室、散、帙、問  
所、知、夕、慮、曉、月、流、朝、忌、曠、日、馳、悟、對、無、厭、歇、聚  
散、成、分、離、

分、離、別、西、川、迴、景、歸、東、山、別、時、悲、已、甚、別、後、情  
更、延、傾、想、遲、嘉、音、果、枉、濟、江、篇、辛、勤、風、波、事、欸  
曲、洲、渚、言、



洲渚旣淹時。風波子行遲。務協華京想。詎存空  
谷期。猶復惠來章。祇足攬余思。儻若果歸言。共  
陶暮春時。

暮春雖未交。仲春善遊遨。山桃發紅萼。野蕨漸  
紫苞。嚶鳴已悅豫。幽居猶鬱陶。夢寐仁歸舟。釋  
我吝與勞。

登臨海嶠初發疆中作。與從弟惠連可見。

羊何共和之。

四章  
集作登臨海  
嶠與從弟惠連一首

杪秋臨遠山。山遠行不近。與子別山阿。含酸赴



詞庫集 二  
脩畛中流袂就判欲去情不忍顧望脰未肯汀  
曲舟已隱

隱汀絕望舟驚棹逐

一作

驚流欲抑一生歡并

奔千里遊日落當棲薄繫纜臨江樓豈惟夕情  
歛憶爾共淹留

淹留昔時歡復增今日歎茲情已分慮况乃協  
悲端秋泉鳴北澗哀猿響南巒戚戚新別心悽  
悽久念攢

攢念攻別心旦發清溪陰暝投剡中宿明登天



姥岑高高入雲霓。還期那可尋。倘遇浮丘公。長絕子微音。

初發石首城

白圭尚可磨。斯言易爲緇。雖抱中孚爻。猶勞貝錦詩。寸心若不亮。微命察如絲。日月垂光景。成貸遂兼茲。出宿薄京畿。晨裝搏曾颺。重經平生別。再與朋知辭。故山日已遠。風波豈還時。迢迢萬里帆。茫茫終何之。遊當羅浮行。息必廬霍期。越海陵三山。遊湘歷九嶷。欽聖若旦暮。懷賢亦



言月集 卷二  
三  
悽其皎皎明發心，不爲歲寒欺。

入東道路詩

整駕辭金門，命旅惟詰朝。懷居顧歸雲，指塗泝  
行飈。屬值清明節，榮華感和韶。陵隰繁綠杞，墟  
園粲紅桃。鷺鷥翬方雛，纖纖麥垂苗。隱軫邑里  
密，緬邈江海遼。滿目皆古事，心賞貴所高。魯連  
謝千金，延州權去朝。行路旣經見，願言寄吟謠。

道路憶山中

采菱調易急。江南歌不緩。楚人心昔絕。越客腸



今斷斷絕雖殊念。俱爲歸慮歎。在鄉爾思積。憶  
山我憤懣。追尋棲息時。偃臥任縱誕。得性非外  
求。自巳爲誰纂。不怨秋夕長。常一作恒苦夏日短。  
濯流激浮湍。息陰倚密竿。懷故叵新歡。含悲忘  
春暖。悽悽明月吹。惻惻廣陵散。殷勤訴危柱。慷  
慨命促管。

入彭蠡湖口

客○遊○倦○水○宿○風潮難具論。洲島驟迴合圻岸。屢  
崩奔。乘月聽哀狔。浥露馥芳蓀。春晚綠野秀巖

高、白、雲、屯、千、念、集、日、夜、萬、感、盈、朝、昏、攀、崖、照、石、  
鏡、牽、葉、入、松、門、三、江、事、多、往、九、派、理、空、存、靈、物、  
含、珍、怪、異、人、秘、精、魂、金、膏、滅、明、光、水、碧、綴、  
流、溫、徒、作、千、里、曲、絃、絕、念、彌、敦、  
五臣作輟

入華子岡是麻源第三谷

南、州、實、矣、德、桂、樹、陵、寒、山、銅、陵、映、碧、澗、石、磴、瀉、  
紅、泉、旣、枉、隱、淪、客、亦、棲、肥、遁、賢、險、徑、無、測、度、天、  
路、非、術、阡、遂、登、羣、峯、首、邈、若、升、  
藝文類聚作騰雲、煙、羽、  
人、絕、髣、髴、丹、上、徒、空、筌、圖、牒、復、磨、滅、碑、版、誰、聞、



傳莫辨百代後，安知千載前。且申獨往意，乘月  
弄潺湲。恒充俄頃用，豈爲古今然。

登歸瀨三瀑布望兩溪

我行乘日垂，放舟候月圓。沫江兔風濤，涉清弄  
漪漣。積石竦兩溪，飛泉倒三山。亦旣窮登陟，荒  
藹橫目前。窺巖不覩景，披林豈見天。陽鳥尚傾  
翰，幽篁未爲遄。退尋平常時，安知巢穴難。風雨  
非攸愜，擁志誰與宣。倘有同枝條，此日卽千年。

初往新安桐廬口

絺綌雖淒其授衣尚未至感節良已深懷古亦  
云一作徒役思不有千里棹孰申百代意遠協尚子  
心遙得許生計既及冷風善又卽秋水駛江山  
共開一作閒曠雲日相照媚景夕羣物清對玩咸  
可意

擬魏太子鄴中集詩八首

并序

魏太子

建安末余時在鄴宮朝遊夕讌究歡愉之極  
天下良辰美景賞心樂事四者難并今昆弟



友朋二三諸彦其盡之矣古來此娛書籍未  
見何者楚襄王時有宋玉唐景梁孝王時有  
鄒枚巖馬遊者美矣而其主不文漢武帝徐  
樂諸才備應對之能而雄猜多忌豈獲晤言  
之適不誣方將庶必賢於今日爾歲月如流  
零落將盡撰文懷人感往增愴其辭曰

百川赴巨海衆星環北辰照灼爛霄漢遙裔起

長津天地中橫潰家王

五臣作皇

拯生民區宇旣蕩

滌羣英必來臻忝此欽賢性繇來常懷仁况值

讀唐集 卷二 三  
衆君子傾心隆日新，論物靡浮說，析理實敷陳。  
羅縷豈闕辭，竊窕究天人，澄觴滿金罍，連榻設  
華茵，急絃動飛聽，清歌拂梁塵，莫善作何言相遇  
易，此歡信可珍。

王粲

家本秦川。貴公子孫。遭亂流寓。自傷情多。

幽厲昔崩亂，桓靈今板蕩，伊洛旣燎煙，函嶠沒

無像，

五臣作象

整裝辭秦川，秣馬赴楚壤，沮漳自可

美，客心非外獎，常歎詩人言，式微何繇往，上宰



奉皇靈侯伯咸宗長雲騎亂漢南宛善作紀郢皆

掃盪排霧屬盛明披雲對清明慶泰欲重疊公  
子特先賞不謂息肩願一旦值明雨並載遊鄴  
京方舟汎河廣綢繆清讌娛寂寥梁棟響既作  
長夜飲豈顧乘日養

### 陳琳

袁本初書記之士故述喪亂事多。

皇漢逢迤邐天下遭氛慝董氏淪關西袁家擁

河北單民

五臣作人

易周章窘身就羈勒豈意事乖

言月集 卷二 三  
已永懷戀故國。相公實勤王。信能定螭賊。復覩  
東郡輝。重見漢朝則。餘生幸已多。矧廼值明德。  
愛客不告疲。飲讌遺景刻。夜聽極星爛。五臣朝  
遊窮矐黑。哀哇動梁埃。急觴盪幽默。且盡一日  
娛。莫知古來惑。

徐幹

少無宦情。有箕潁之心事。故仕世多素辭。

伊昔家臨淄。提攜弄齊瑟。置酒飲膠東。淹留憩  
高密。此歡謂可終。外物始難畢。搖蕩箕濮情。窮



年迫憂慄。末塗幸休。明棲集建。薄質已免。負薪  
苦。仍遊椒蘭室。清論事究。萬美話信。非一行觴  
奏悲歌。永夜繫五臣作繼白日。華屋非蓬。居時髦豈  
余匹。中飲顧昔心。悵焉若有失。

劉楨

卓犖偏人。而文最有氣。所得頗經奇。

貧居晏里閭。少小長東平。河充當衝要。淪飄薄  
許京。廣川無逆流。招納厠羣英。北渡黎陽津。南  
登宛善作紀郢城。既覽古今事。頗識治亂情。歡友

相解達、敷奏究平生、矧荷明哲顧、知深覺命輕、  
朝遊牛羊下、暮坐括揭鳴、終歲非一日、傳厄弄  
清聲、辰事旣難諧、歡願如今并、唯羨肅肅翰、續  
紛戾高冥、

應瑒

汝潁之士、流離世故、頗有飄薄之歎、

嗷嗷雲中鴈、舉翮自委羽、求涼弱水湄、違寒長

沙渚、顧我梁

五臣作涼

川時、緩步集潁、許一旦逢世

難、淪薄、恒羈旅、天下昔未定、託身早得所、官渡



厠一卒。烏林預艱阻。晚節值衆賢。會同庇天宇。  
列坐廕華棖。金樽盈清醕。始奏延露曲。繼以闌  
夕語。調笑輒酬答。嘲諢無慙沮。傾軀無遺慮。在  
心良已叙。

阮瑀

管書記之任。故有優渥之言。

河洲多沙塵。風悲黃雲起。金羈相馳逐。聯翩何  
窮已。慶雲惠優渥。微薄攀多士。念昔渤海時。南  
皮戲清汎。今復河曲遊。鳴葭汎蘭汜。躡步陵丹

言人集  
梯並坐侍君子。妍談旣愉心。哀音一作信睦耳。  
傾酤係芳醕。酌言豈終始。自從食萍來。唯見今日美。

平原侯植

公。子。不。及。世。事。但。美。遨。遊。然。頗。有。憂。生。之。嗟。

朝遊登鳳閣。日暮集華沼。傾柯引弱枝。攀條摘蕙草。徙倚窮騁望。目極盡所討。西顧太行山。北眺邯鄲道。平衢修且直。白楊信裊裊。副君命飲宴。歡娛寫懷抱。良遊匪晝夜。豈云晚與早。衆賓



悉精妙。清辭灑蘭藻。五臣作哀音下迴鵠餘哇  
徹清昊。中山不知醉。飲德方覺飽。願以黃髮期。  
養生念將老。

石壁立招提精舍

四城有頓蹟。三世無極已。浮歡昧眼前。沈照貫  
終始。壯齡緩前期。頽年追暮齒。揮霍夢幻頃。飄  
忽風電起。良緣迫未謝。時逝不可俟。敬擬靈鷲  
山。尚想祇洹軌。絕溜飛庭前。高林映窻裏。禪室  
棲空觀。講宇析妙理。

過瞿溪山僧

迎旭凌絕嶺，映沚歸淑浦。鑽燧斷山木，掩岸墜  
石戶。結架非丹薨，藉田資宿莽。同遊息心客，曖  
然若可覩。清霄颺浮烟，空林響法鼓。忘懷狎鷗  
鰕。攝生馴兕虎。望嶺眷靈鷲，延心念淨土。若乘  
四等觀，永拔三界苦。

七夕詠牛女

火逝首秋節，新明弦月夕。月弦光照戶，秋首風  
入隙。凌峯步曾藝文作岑崖，憑雲肆遙觚。徙倚西井



庭竦踊東南覲，紈綺無報章。河漢有駿輶，

彭城宮中直感歲暮

草草眷徂物，契契矜歲殫。楚艷起行戚，吳趨絕

歸懽。修帶綏舊裳，素鬢改朱顏。晚暮悲獨坐，藝文

作已鳴鵲歇春蘭。

歲暮

以下五首文闕

殷憂不能寐，苦此夜難禔。明月照積雪，朔風勁

初學作清且哀。運往無淹物，年逝覺已。藝文作易催。

作離合

古人怨信次十日眇未央加我懷繾綣口脉情  
亦傷劇哉歸遊客處子勿相忘

別字

登廬山絕頂望諸嶠

積峽忽復啓平塗俄已閉巒隴有合沓往來無  
蹤轍晝夜蔽日月冬夏共霜雪

夜發石關亭

隨山踰千里浮溪將十久鳥歸息舟楫星闌命  
行役亭亭曉月映冷冷朝露滴

答惠連



懷人行千里，我勞盈十旬。別時花灼灼，別後葉  
蓁蓁。

初發入南城

弄波不輟手。玩景豈停目。雖未登雲峯。且以歡  
水宿。

東陽溪中贈答二首

可憐誰家婦。緣流灑

一作洗

素足。明月在雲間。迢

迢不可得。

可憐誰家郎。緣流乘素舸。但問情若爲。月就雲

中。墮。

又按括蒼志曰謝靈運入沐鶴鄉有二女浣紗嘲以詩曰我是謝康樂一箭射雙鶴

試問浣紗娘箭從何處落二女不顧又嘲之曰浣紗誰氏女香汗濕新雨兩人默無言何事甘辛苦既而二女答曰我是溪中鱗暫出溪頭食食罷又還潭雲蹤何處覓忽不見按此事願與東陽贈答相類而詩似不出靈運筆恐屬附會聊載于此

送雷次宗

符守瑞邊楚感念懷城壕志苦離思結情傷日月滔

大林峯

積峽忽有起平途俄已絕巒龍有合脊往來無



蹤轍

柵溪詩

澹漱結寒波、檀欒秀霜質、洞合水屢述、林廻巖愈密、

泉山詩

清旦索幽異、方舟越垆郊、石室穿林甌、飛泉發樹梢、

自叙

宋書本傳曰靈運爲孟覬所表帝惜其才不罪以爲臨川內史在郡遊放不異

永嘉爲有司所糾司徒遣隨州從事收之靈運與兵叛逆爲詩曰

韓亡子房奮秦帝魯連耻本自江海人忠義感君子

臨終詩

宋書本傳曰靈運旣被擒文帝以謝勲參微管宜宥及後嗣降死徙廣州又爲有司所奏請依法收治詔於廣州棄市臨刑作詩曰

龔勝無餘生李業有終盡稽公理旣迫霍生命

亦殞悽悽後

一作凌

霜栢納納衝風菌邂逅竟無

時

一作幾何

修短非所愍恨我君子志不得巖下泯



送○心○正○覺○前○斯○痛○久○已○忍○唯○願○乘○來○生○怨○親○同○  
心○朕○





本傳

謝靈運陳郡陽夏人也。祖玄晉車騎將軍父瑒生而不慧爲秘書郎蚤亡靈運幼便穎悟玄甚異之。謂親知曰我乃生瑒瑒那得生靈運。靈運少好學博覽羣書文章之美江左莫逮從叔混特知愛之襲封康樂公食邑二千戶以國公例除員外散騎侍郎不就爲琅邪王大司馬行叅軍性奢豪車服鮮麗衣裳器物多改舊制世共宗之咸稱謝康樂也撫軍將軍劉毅鎮姑孰以

爲記室叅軍，毅鎮江陵，又以爲衛軍從事中郎，  
毅伏誅，高祖版爲太尉叅軍，入爲秘書丞，坐事  
免。高祖伐長安，驃騎將軍道憐居守，版爲諮議  
叅軍，轉中書侍郎，又爲世子中軍咨議黃門侍  
郎，奉使慰勞高祖於彭城，作撰征賦，仍除宋國  
黃門侍郎，遷相國從事中郎，世子左衛率，坐輒  
殺門生，免官。高祖受命，降公爵爲侯，食邑五百  
戶，起爲散騎常侍，轉太子左衛率，靈運爲性褊  
激，多愆禮度，朝廷唯以文義處之，不以應實相。



許自謂才能宜叅權要。既不見知。常懷憤憤。廬陵王義真少好文籍。與靈運情款異常。少帝卽位。權在大臣。靈運構扇異同。非毀執政。司徒徐羨之等患之。出爲永嘉太守。郡有各山水。靈運素所愛好。出守旣不得志。遂肆意遊遨。徧歷諸縣。動踰旬朔。民間聽訟。不復關懷。所至輒爲詩詠。以致其意焉。在郡一周。稱疾去職。從弟晦曜弘徵等竝與書止之。不從。靈運父祖竝葬始寧縣。并有故宅及墅。遂移籍會稽。修營別業。傍山

帶江盡幽居之美。與隱士王弘之孔淳之等縱  
放爲娛。有終焉之志。每有一詩至都邑。貴賤莫  
不競寫。宿昔之間。士庶皆徧。遠近欽慕。名動京  
師。作山居賦并自注。以言其事。太祖登祚。誅徐  
羨之等。徵爲秘書監。再召不起。上使光祿大夫  
范泰與靈運書敦獎之。乃出就職。使整理秘閣  
書。補足闕文。以晉氏一代自始至終。竟無一家  
之史。令靈運撰晉書。粗立條流。書書竟不就。尋  
遷侍中。日夕引見。賞遇甚厚。靈運詩書皆兼獨



絕每文竟手自寫之文帝稱爲二寶旣自以名  
輩才能應參時政初被召便以此自許旣至天  
帝唯以文義見接每侍上宴談賞而已王曇首  
王華殷景仁等名位素不踰之竝見見任遇靈  
運意不平多稱疾不朝直穿池植援種竹樹董  
驅課公役無復期度出郭游行或一日百六七  
十里經旬不歸旣無表聞又不請急上不欲傷  
大臣諷旨令自解靈運乃上表陳疾上賜假東  
歸將行上書勸伐河北以疾東歸而遊娛宴集

以夜續晝復爲御史中丞傅隆所奏坐以免官  
是歲元嘉五年靈運旣東還與族弟惠連東海  
何長瑜潁川荀雍太山羊璿之以文章賞會其  
爲山澤之游時人謂之四友惠連幼有才悟而  
輕薄不爲父方明所知靈運去永嘉還始寧時  
方明爲會稽郡靈運嘗自始寧至會稽造方明  
過視惠連大相知賞時長瑜教惠連讀書亦在  
郡內靈運又以爲絕倫謂方明曰阿連才悟如  
此而尊作常兒遇之何長瑜當今仲宣而飭以



下客之食。尊既不能禮賢。宜以長瑜還靈。運靈  
運載之而去。荀雍字道雍。官至員外散騎郎。璿  
之字曜璠。臨川內史。爲司空竟陵王誕所遇。誕  
敗。坐誅。長瑜文才之美。亞於惠連。雍璿之不及  
也。臨川王義慶招集文士。長瑜自國侍郎至平  
西記室叅軍。嘗於江陵寄書與宗人何勗。以韻  
語序義慶州府僚佐。云陸展染鬚髮。欲以媚側  
室。青青不解久。星星行復出。如此者五六句。而  
輕薄少年。遂演而廣之。凡厥人士。竝爲題目。皆

加劇言苦句。其文流行。義慶大怒。白太祖。除爲廣州所統曾城令。及義慶薨。朝士詣第敘哀。何勗謂袁淑曰。長瑜便可還也。淑曰。國新喪宗英。未宜便以流人爲念。廬陵王紹鎮尋陽。以長瑜爲南中郎行叅軍掌記之任。行至板橋。遇暴風溺死。靈運因父祖之資。生業甚厚。奴僮旣衆。義故門生數百。鑿山浚湖。功役無已。尋山陟嶺。必造幽峻。巖嶂千重。莫不備盡。登蹕常著木屐。上山則去前齒。下山去其後齒。嘗自始寧南山伐



水開逕直至臨海。從者數百人。臨海太守王琇驚駭。謂爲山賊。徐知是靈運。乃安。又要琇更進。琇不肯。靈運贈琇詩曰。邦君難地險。旅客易山行。在會稽亦多徒衆。驚動縣邑。太守孟顗事佛精懇。而爲靈運所輕。嘗謂顗曰。得道應須慧業文人。生天當在靈運前。成佛必在靈運後。顗深恨此言。會稽東郭有回踵湖。靈運求決以爲田。太祖令州郡履行此湖。去郭近水物所出。百姓惜之。顗堅執不與。靈運旣不得回踵。又求始寧。

岨嶂湖爲田、顗又固執、靈運謂顗非存利民、正慮決湖多害生命、言論毀傷之、與顗遂構讐隙、因靈運橫恣、百姓驚擾、乃表其異志、發兵自防、露板上言、靈運馳出京都、詣闕上表、太祖知其見誣、不罪也、不欲使東歸、以爲臨川內史、賜秩中二千石、在郡遊放、不異永嘉、爲有司所糾、司徒遣使隨州從事鄭望生收靈運、靈運執錄望生與兵叛逸、遂有逆志、追討禽之、送廷尉治罪、廷尉奏靈運率部衆反叛、論正斬刑、上惜其才、



欲免官而已。彭城王義康堅執，謂不宜恕，乃詔曰：「靈運罪釁累仍，誠合盡法。但謝玄勲參徵管宜宥及後嗣，可降死一等。」徙付廣州。其後秦郡府將宗齊受至除口，行達桃墟村，見有七人下路，亂語，疑非常人，還告郡縣。遣兵隨齊受掩討，遂共格戰，悉禽付獄。其一人姓趙名欽，山陽縣人。云同村薛道雙先與謝康樂其事，以去九月。初，道雙因同村成國報欽云：「先作臨川郡犯事，徙送廣州。」謝給錢令買弓箭刀楯等物，使道雙

要合鄉里健兒於三江口篡取謝若得志如意  
之後功勞是同遂合部黨要謝不及旣還饑饉  
緣路爲刼盜有司又奏依法收治太祖詔於廣  
州行棄市刑臨死作詩時元嘉十年年四十九  
所著文章傳於世子鳳

史臣曰民稟天地之靈含五常之德剛柔迭用  
喜愠分情夫志動於中則歌詠外發六義所因  
四始攸繫升降謳謠紛披風什雖虞夏以前遺  
文不覩稟氣懷靈理無或異然則歌咏所興宜



在生民始也。周室旣衰，風流彌著。屈平、宋玉導清源於前，賈誼、相如振芳塵於後。英辭潤金石，高義薄雲天。自茲以降，情志愈廣。王褒、劉向、揚班、崔蔡之徒，異軌同奔，遞相師祖。雖清辭麗曲，時發乎篇，而蕪音累氣，固亦多矣。若夫平子艷發，文以情變，絕唱高蹤，久無嗣響。至于建安，曹氏基命，二祖陳王，咸蓄盛藻，甫乃以情緯文，以文被質。自漢至魏，四百餘年，辭人才子，文體三變，相如、巧爲形似之言，班固長於情理之說，子

建○仲○宣○以○氣○質○爲○體○並○標○能○擅○美○獨○映○當○時○是○  
以○一○世○之○士○各○相○慕○習○原○其○飈○流○所○始○莫○不○同○  
祖○風○騷○徒○以○賞○好○異○情○故○意○製○相○詭○降○及○元○康○  
潘○陸○特○秀○律○異○班○賈○體○變○曹○王○縟○旨○星○稠○繁○文○  
綺○合○綴○平○臺○之○逸○響○採○南○皮○之○高○韻○遺○風○餘○烈○  
事○極○江○右○有○晉○中○興○立○風○獨○振○爲○學○窮○於○柱○下○  
博○物○止○乎○七○篇○馳○騁○文○辭○義○單○乎○此○自○建○武○暨○  
乎○義○熙○歷○載○將○百○雖○綴○響○聯○辭○波○屬○雲○委○莫○不○  
寄○言○上○德○託○意○立○珠○適○麗○之○辭○無○聞○焉○爾○仲○文○



始革孫許之風。叔源大變太元之氣。爰逮宋氏。  
顏謝騰聲。靈運之興。會標舉延年之體。裁明密。  
竝方軌前秀。垂範後昆。若夫敷衽論心。商榷前  
藻。工拙之數。如有可言。夫五色相宣。八音協暢。  
絳乎立黃律呂。各適物宜。欲使宮羽相變。低昂  
互節。若前有浮聲。則後須切響。一簡之內。音韻  
盡殊。兩句之中。輕重悉異。妙達此旨。始可言文。  
至於先士茂製。諷高歷賞。子建函京之作。仲宣  
霸岸之篇。子荆零雨之章。正長朔風之句。竝直



舉胸情。非傍詩史。正以音律調韻。取高前式。自  
騷人以來。此祕未覩。至於高言妙句。音韻天成。  
皆暗與理合。匪繇思至。張蔡曹王。曾無先覺。潘  
陵顏謝。去之彌遠。世之知音者。有以得之。知此  
言之非謬。如曰不然。請俟來哲。







